

## Aantu ye na uukashikekookantu wa faathana otaa vulu okukutha okanona paveta ye ka ninge ongokawo ye ka vala?

Aawe. Oveta oya zimina owala mboka ya hokanathana oyo yi okuthile okanona ye ka ninge okamwana. Omuntu ngoka inaa hokanwa, omuhengani/omuhengwa nenge omuselekadhi, ota vulu a kuthe okanona paveta pauhandimwe/polwemwene. Shino otashi ti kutya, kehe gumwe gwaambono yoludhi lwa faathana, ota vulu i ikuthile okanona polwe, ihe uuna ekwatathano lyokukal pamwe tali ka hula po/teka po, otashi ka eta uupyakadhi, oshoka mukwawo ngwiya ke na ko we uuthemba washa kakanona hoka, omolwashono sho ka etwa po paveta kugumwe, mukwawo ka li a kwatelwa mo.

## Otashi vulika aantu yuukashikekookantu, mboka ye li pamwe, ye li moNamibia ya ye koshilongo shilwe shi ili, ye ki ikongele/kuthile okanona nawo paveta, yo ya galukile koNamibia?

Hanaanaa tashi vulika paumwene. Eikuthilo lyokanona ngokamwoye pokati kiiolongo, olyo oshinima shopalongelokumweuvathano. Ngele mbo ya hala okukutha “okviivalelwa” okanona paveta nosho wo okanona ha ka halika, kaye li moshilongo shimwe, nena omapangelo giiolongo ayihe, mono mu na “omuvali” nomuvalwa oge na okuya mo mekutho ndyoka lyokanona paveta, opo ga gandje eziminino.

## Ekwatho lyokweeta po oluvalo pauteknika

Epangelo olye si zimine kutya oonakwiihokana otaa vulu yi ikongele okanona pakwatho lyopauteknika, nolye ya gamena. Ashike inali zimina noinali gamena nando mbono yoludhi lumwe yi itula pamwe yo yene, nenge, omulumentu nomukiintu yo otekathana, ye shi ninge.

## Okuvalelathanako

MoNamibia kamu na oveta yi na sha nevalelathanoko, yi na sha ando nomukiintu gwontumba ta zimine a simbapaleleko mukwawo, ihaa vala, okanona. Shino osha hala okutya kape na oveta yoku shi indika, ihe kape na wo oveta yokugamena aaitulipamwe yoludhi lumwe nenge yomaludhi ga yooloka (shi na sha nuukashikekookantu) mbo ya hala ya longithe omukalo ngoka, nenge wo aaihokani.

## Nkene to kala pamwe nomuntu gwoludhi lumwe nolwoye

Ngele owu li pamwe nomuntu gwoludhi lumwe nolwoye nowa hala osho mu kale ngawo, omukalo omwaanawa gwokukaleka po ekwatathano ndyono, ogwo okunyola okontalaka ndjoka yeni pamushangwa nokunyola wo etestamendi lyen.

Okontalaka yopamishangwa otayi eta elongelokumwe pokati koonakukalapamwe notayi shilipaleke eliko li ka topolwe paulyuuki, uuna ekwatathano lyawo nali ka teka po. Okondalaka ya tya ngaaka oyi na sha owala naantu yaali ayeke mbono ye yi shaina opuwo – mbo ye li kondje yayo kaye na mo sha muyo.

Momushangwa gwokontalaka yoye oto vulu wu tule mo iiimma mbi tayi landula:

- euvathano lyiilongayakulathano pokati keni yaali
- efatululo kutya oye ta thigulula shontumba, nonkene shi na ku ka topolwa, uuna ekwatathano lyeni lya teka po.

Mbono yo otekathana owala inaaya hokana, kaye na uuthemba wokuthigululathana ngele gumwe gwawo a si – kakele uuna puna etestamendi lya shainwa. Etestamendi olyo omukalo omwaanawa gwokushilipaleka kutya mukweni mwa kala naye ota mono ko sha keliko lyoye ngele wa si.

Omishangwa dha nyolwa dhokontalaka yelongelopamwe lyeni nosho wo etestamendi, itayi gandja naanaa omauthemba agehe ge niwe kaahokanathani, ashike oya gamenwa ngaa gumwe ngo ta thigala po, uuna mukwawo a si, ngono e na eliko tali nyangwanyangwa.

Omukalo omukwawo gwokwiigamena ogwo okushilipaleka kutya, egumbo kehe tamu ka landa, nali kale lya nyolelwa komadhina geni amuhe, uuna tamu li nyolitha. Pamukalo ngoka kehe gumwe oku na uuthemba walyo, uuna tashi keya kelandithopo lyalyo, amuhe omu na okushaina oombapila dhelandithopo.



Okafo haka oka longekidhwa kOmapekaapeko gUukashikekookantu nOproyeka yoAhenda yEndiki lyEkwatho lyOpaveta mo-2014.

Oonzo nomakwathelo genduluko oga ningwa kEpanjelo lyiligwana yaHangana yaAmerica

Endiki lyEkwatho lyOpaveta: Ongodhi 061-223356 • Oshiketha shopoosa 604, Ovenduka • info@lac.org.na

# UUTHEMBA WOMASHENGE NOWOOHIKWAALI MONAMIBIA

## Aanegumbo

Ekwatathano lyopauhenga  
nolyopauhiikwaali oli li ompinge nOveta/  
nEekotampango moNamibia?

Aawe. Ope na ooveta dhi li ompinge nuusodomu nonomayono gopaumbwanda, ndhono itaadhi popile omisholondondo dhomakwatathano pahulo gaalumentu. Ooveta ndhika ohadhi landulwa owala oolumwe nenge nokuli ihaadhi landulwa nandenande, nohadhi yono ngiika uuthemba, eimweneno, ondhilo nuuthikepamwe moNamibia. Ihe ooveta ndhino, inadhi tya kutya kasha li paveta okukala wu li iikwaali nenge wu kale eshenge, nenge mu kale metyapulohole nomekwatathano nomuntu e na uukashikekookantu wa faathana nowoye. Odha indika owala ilonga yopaihulo pokati komulumentu nomulumentu omukwawo.

Olopota, kombinga yuuthemba womuntu, ya ndulukwa mombelewa yaOmubudsman, otayi ti kutya oveta yokwiindika uumbwanda pokati kaantu ya koka, nayi hulithwe po.




## Oohiikwaali nomashenge otaa vulu ya hokanathane moNamibia?

Aawe. Aantu yuukashikekookantu wa yooloka oyo ayeke taa vulu ya hokanathane. MoNamibia ito vulu wu hokane paveta nenge pamuthigululwakalo nomuntu guukashikekookantu wa faathana nowoye.

- Ondjokana yopaveta oyo ndjoka ya hokanithwa kuMangestrata nenge komuwiliki gwopambepo ngono e na epitikilo panzapo yokuhokanitha. Nondjokana yopaveta ohayi ningilwa owala aantu yuukashikekookantu wa yooloka.
- Ondjokana yopamuthigululwakalo oyo ndjoka una omuntu a hokanithwa pamuthigululwakalo gwopamuho gwaandjavo. Omandiki gokukwathela paveta kage shi ompango yasha tayi popile ehokanitho lyanta yuukashikekookantu wa faathana.

## Oshi li paveta yepangelo okuzimina aantu yuukashikekookantu wa yooloka oyo owala yi ihokane?

Kape na ngoka e na eyamukulo kepulo ndika hewa. Kaku na ohofa moNamibia, ya tokola kutya oveta yuuthemba womuntu oya zimina aantu yuukashikekookantu wa faathana ya hokanathane. Shino oshi ikwatelela kOveta yaNamibia ndjono tayi ti: "Aalumentu naakiintu oye na uuthemba wokwiihokana nokuvala aanona /nokwiimonena aanegumbo/ezimo."




Aahokanathani mboka itaa vulu okuhokana nenge itaa hokana otaa vulu okugamenenwa uuthemba wawo pakunyola ookondalaka nomtestamendi.

## Ehokanathano lyaazaazai yuukashikekookantu wa faathana olya ziminwa paveta muNamibia?

Aawe nando. Ompango oyi li ngawo kutya ondjokana ndjono ya ziminwa/pitikwa koshilongo shawo, oyo wo ya talika kutya oyo ondjokana yopaveta moNamibia. Ndele opu na iinima iyali yi na oshilonga kutya:

- Aakalimo yomoNamibia itaa vulu ando ya ye kiilongo yilwe oko ya ka hokane, sho ya hala ya yande aniba iinakugwanithwa yopaveta yomoshilongo shawo, yo ye ye aniba ya zimininwe ondjokana walye kutya oyopaveta, shi ningwe kepangelo sho ya galuka, aawe.
- Oshinima oshikwawo osho shino kutya, oshilongo shontumba otashi vulu shi tinde nenge shi zimine ondjokana ya za koshilonga shilwe, ngele oyi li ompinge nooveta dhoshilongo shaandjavo. Euwathano ndika olyo lya li lya longithwa pethimbo lyuukoloni, okwiindika oondjokana pokati kaantu yomihoko dha yooloka nokwiindika wo okuhokana ombanda kwaazaazai. Ehistoli ndino otali holola nkene euthomalandu lyopashilongo hali vulu okushendja muulethimbo wontumba.

Uuministeli wlinima yomEgumbo nOmatulululo, owi ipyakidhila nokuninga po oveta ompe, yondjokana. Oveta ompe otashi vulika yi ka tye nokutya: Ondjokana ndjono tayi ka ziminwa paveta, oyo owala ndjono tayi ningwa kaantu yuukashikekookantu inaawu faathana muNamibia.



## Eyooloko pokati kondjokana nokwootekathana

Uuna aantu ya hokanathana/hokanithwa, oveta ohayi ya pe egameno, nohayi ya tulile po omilandu dhi na sha nekwatathano lyawo. Opu na omauthomilandu nkene eliko lyawo nali ka topolwa, uuna ekwatathano lyawo lya hulithwa po keso nenge ketekopo lyondjokana. Omusamane nenge omukulukadhi oku na uuthemba wokuthigulula, nonando nakusa ka li a ninga etestamendi lyasha lyuuthiga.

Ihe kaku na nando egameno lyasha mOveta yaNamibia lyokugamena oonakwootekathana. Naashino osha kwatera mo wo mbono yuukashikekookantu wa faathana yi itula pamwe. Inaa gamenwa paveta.

Omukalo omwaanawa gwokugamena ekwataathano ndyono inaali ningwa pandjokana yopaveta, ogwo okunyola okontalaka yeuvathano shi na sha nuuthemba noniinakugwanithwa, nokukala wo wu na etestamendi lya nyolwa, tali holola kutya gumwe ngele a si, mukweni/nakuthigwapo ota ka thigulula shike.

Shi na sha nokumona omauyelele kombinga yeotekathano, tala enyanyangidho lyEndiki lyEkwatho lyoPaveta lyedhina: Iitunwa yofamili/yaanegumbo. Onkalo yeotekathano moNamibia nomathaneko getalululoveta (ota li adhika mo Legal Assistance Centre (LAC) [www.lac.org.na](http://www.lac.org.na))

